

史
忠
正
篇

史忠正篇目次

史忠正公傳畧

起兵討滿賊初建奇功	一
南都立新王整軍經武	三
諸將爭權利內鬩解紛	七
上書陳危害雪恥圖張	九
孤城絕援兵血戰盡忠	一一

奏疏

請尊上權化水火疏	四
請頒詔勅定人心疏	六

請進取疏……………一八

論人才疏……………二二

請出師討賊疏……………二四

請旌淮人忠義疏……………二九

請從逆法宜從重疏……………三一

請勵戰守疏……………三七

請緊急防守疏……………四一

請飭禁門戶疏……………四三

自劾師久無功疏……………四七

檄

甲申討李賊布告天下……………五〇

文

祭左忠毅公文……………五六
祭廬州殉難官紳士民文……………六〇

詩

憶母……………六五
燕子磯口占……………六六
送管誠齋少宗伯同年歸里……………六六
六安署病中感懷……………六六

書牘

復多爾袞書……………六七

致某

七一

答左公子書

七三

復劉允平同年

七四

數孫魯山胡吉雲夏國山

七六

與金希正

七七

致副總馬元度

八〇

復左武康

八一

復孫魯山

八二

復徽州紳士書

八三

與雲間諸紳書

八四

家書

四民大英雄文戚史集

家書	一	八五
家書	二	八六
家書	三	八七
家書	四	八九
家書	五	九〇
家書	六	九一
家書	七	九二
家書	八	九四
家書	九	九七
家書	十	九八
家書	十一	〇〇
家書	十二	〇三

家書	十二	一〇五
家書	十四	一〇六

遺書

遺書	一	一〇七
遺書	二	一〇八
遺書	三	一〇九
遺書	四	一〇九
遺書	五	一〇九
最後遺書		一〇一〇

史忠正公傳略

起兵討滿賊初建奇功

公名可法。字憲之。明大興籍祥符人也。幼以孝聞。崇正元年登進士。授西安府推官。遷戶部主事。歷員外郎郎中。八年。遷右參議。分守池州太平。其秋總理侍郎盧象昇。大舉討賊。改可法副使。分巡安慶池州。監江北諸軍。黃梅賊掠宿松潛山太湖。將犯安慶。公追擊之。明年祖寬破賊滁州。賊走河南。十二月。賊馬守應合羅汝才陸萬慶。自鄖陽東下。公馳駐太湖。抗其衝。十年正月賊從間道突安慶。尋

移桐城。參將潘可大擊走賊。賊復爲廬鳳軍所扼。回桐城。掠四境。知縣陳爾銘嬰城守。公與可大勦捕賊。走廬江。犯潛山。復與左良玉敗之楓香驛。賊乃竄潛山太湖山中。三月。可大及副將程龍。敗沒於宿松。當是時陝寇分犯岷洮秦楚。羣盜遍野。總督盧象昇既改督宣大。代以王家楨。祖寬關外兵。亦北歸。未幾上復以熊文燦代家楨。專撫賊。賊益狂逞。盤牙江北。南都震驚。七月擢公僉都御史。巡撫安慶廬州太平池州四府及河南之光州光山固始羅田。湖廣之蘄州廣濟黃梅。江西之德化湖口諸縣。提督軍務。設額兵萬人。賊已東陷和州含山定遠六合。犯天長盱眙。趨河南。公奏免被

美田租。是冬、部將汪雲鳳。敗賊潛山。京軍復連破老獬獬。賊遁入山。時監軍僉事湯開遠。善擊賊。公東西馳禦。賊稍稍避其鋒。連破賊英山六合。順天王乞降。

南都立新王整軍經武

十二年。丁外艱去。服闋。起戶部侍郎。總督漕運。巡撫鳳陽淮安揚州。劾罷督糧道三人。增設糧儲道一人。大濬河南。漕政大釐。拜南京兵部尙書。參贊機務。因武備久弛。奏行更新八事。十七年四月朔。聞賊犯闕。誓師勤王。渡江抵浦口。聞北都既陷。縞衣發喪。會南都議立君。張愼言

呂大器姜日廣等曰。福王由崧。神宗孫也。倫序當立。而有七不可。貪淫酗酒。不孝虐下。不讀書。干預有司也。潞王常芳。神宗姪也。賢明當立。移牒於公。公亦以爲然。鳳陽總督潛與阮大鍼計議。主立福王。咨公。公以七不可告之。而士英已與黃得功劉良佐劉澤清高傑發兵。送福王至儀真。於是公等迎王。五月朔。王謁孝陵。奉先殿。出居內守備府。羣臣入朝。王色赧欲避。公曰王毋避。宜正受。既朝。議戰守。公曰。王宜素服郊次。發師北征。示天下以必報讎之議。王唯唯。明日再朝。出議監國事。張慎言曰。國虛無人。可遂卽大位。公曰。太子存亡未卜。倘南來若何。劉孔昭

曰。今日既定。誰敢復更。公曰。徐之。乃退。又明日王監國。廷推閣臣。衆舉公。及高宏圖姜日廣。孔昭攘臂欲並列。衆以本朝無勛臣入閣例。遏之。孔昭勃然曰。卽我不可。馬士英何不可。乃并推士英。又議起廢。推鄭三俊、劉宗周、徐石麟。孔昭舉大鉞。公曰。先帝欽定逆案。毋復言。越二日。拜公禮部尙書。兼東閣大學士。與士英宏圖並命。公仍掌兵部事。士英仍督師鳳陽。乃定京營制。如北都故事。侍衛及錦衣衛諸軍。悉入伍操練。錦衣東西兩司房。及南北兩鎮撫司官不備設。以杜告密。安人心。當是時。馬士英日夕冀入相。及命下。大怒。以公七不可書奏之。而擁兵入覲。

。拜表卽行。公遂請督師。出鎮淮陽。十五日。王卽位。明日公陛辭。加太子太保。改兵部尙書。武英殿大學士。士英卽以是日入直。議分江北爲四鎮。東平伯劉澤清轄淮海。駐淮北。經理山東一路。總兵官高傑轄徐泗。駐泗水。經理開歸一路。總兵官劉良佐轄鳳壽。駐臨淮。經理陳杞一路。靖南伯黃得功轄滁和。駐廬州。經理光固一路。公啓行。卽遣使訪大行帝后梓宮。及太子二王所在。奉命祭告泗鳳二陵。公去。士英孔昭輩。益無所憚。孔昭以愼言舉吳甡。譚殿上。拔刀逐愼言。公馳疏解。孔昭卒阬甡不用。公祭二陵畢。上疏曰。陛下踐阼。初祇謁孝陵。哭泣盡哀。道路感動。若

躬謁二陵。親見鳳泗蒿萊滿目。雞犬無聲。當益悲憤。願慎終如始。處深宮廣廈。則思東北諸陵魂魄之未安。享玉食大庖。則思東北諸陵麥飯之無展。膺圖受籙。則思先帝之集木馭朽。何以忽遘危亡。早朝晏罷。則念先帝之克儉克勤。何以卒墮大業。戰兢惕厲。無時怠荒。二祖列宗。將默佑中興。若晏處東南。不思遠略。賢姦無辨。威斷不靈。老成投簪。豪傑裹足。祖宗怨恫。天命潛移。東南一隅。未可保也。王嘉答之。

諸將爭權利內鬩解紛

會得功、澤清、傑、爭欲駐揚州。傑先至。大殺掠。屍橫野。城中洶懼。登陣守。傑攻之浹月。澤清亦大掠淮上。臨淮不納。良佐軍亦被攻。朝命公往解。得功、良佐、澤清、皆聽命。乃詣傑。傑素憚公。夜掘坎千百埋暴骸。旦日朝公帳中。辭色俱變。汗浹背。公坦懷待之。接偏裨以溫語。傑大喜過望。然傑自是易公。用己甲士防衛。文檄必取視而後行。公夷然。爲具疏。屯其衆於瓜州。傑大喜。傑去。揚州以安。公乃開府揚州。六月。清兵擊敗賊李自成。自成棄京師西走。青州諸郡縣。爭殺僞官。據城自保。公請頒監國二詔。慰山東河北軍民心。開禮賢館。招四方才智。以監

紀推官應廷吉領其事。八月。出巡淮安。閱澤清士馬。返揚州請餉。爲進取資。士英斬不發。公疏趣之。因言邇者人才日耗。仕塗日濬。由名心勝而實意不修。議論多而成功少。今事勢更非昔比。必專主討賊復讎。舍籌兵籌餉無議論。舍治兵治餉無人才。有撫拾浮談。巧營華要者。罰無赦。王優詔答之。初公慮傑改扈。駐得功儀真防之。九月朔。得功、傑、搆兵。曲在傑。賴公調劑。事得解。

上書陳危害雪恥圖強

北都降賊。諸臣南還。公言諸臣原籍北土者。宜令赴吏

兵二部錄用。否則恐絕其南歸之心。又言北都之變。凡屬臣子皆有罪。在北者應從死。豈在南者非人臣。卽臣可法。謬典南樞。臣士英叨仕鳳督。未能悉東南甲。疾趨北援。鎮臣澤清、傑、以兵力不支。折而南走。是首應重議者臣等罪也。乃因聖明繼統。鉄鉞未加。恩榮疊被。而獨於在南諸臣。毛舉而概繩之。豈散秩閒曹。責反重於南樞鳳督哉。宜摘罪狀顯著者。重懲示儆。若僞命未污。身被刑辱者可置勿問。其逃避北方。徘徊而後至者。許戴罪討賊。赴臣軍前酌用。廷議並從之。傑居揚州。桀驚甚。公開誠布公。導以君臣大義。傑大感悟。奉約束。十月。傑帥師北征。公赴清江浦。